



UNIVERSITÄTS-
BIBLIOTHEK
PADERBORN

Gvillelmi Postelli De Repvblica

Postel, Guillaume

Lvgdvni Batavorvm, 1635

Cap. XXXII. De gynæconomis, qui matronarum cultui, ne modum excederet, præerant.

[urn:nbn:de:hbz:466:1-65533](https://nbn-resolving.org/urn:nbn:de:hbz:466:1-65533)

C A P. XXXII.

De gynaconomis, qui matronarum cultui, ne modum excederet, praeerant.

GΥΝΑΙΚΟ' ΝΟΜΟΙ, aut *γυναικόνόμοι*, de matronarum primum, postea de omnium mulierum ornatu statuebant, ne ulla ipsarum quicquam se indignum ferret, utque singulae pro ratione census & facultarum inducerentur, indicta multa ei quae secus fecisset, qua statim plecti solebat quae edicto, aut legibus de ea re latis non paruisset. Erat etiam de incesu lex à Philippide quodam lata, ut quae inhoneste incederet, statim mille drachmis multaretur. Hos fuisse viginti numero scribit Pollux. Venetiquum proxime actis annis videntur eum in mundo muliebri

sumptum intolerabilem, indeque rei familiaris in immensum dispendium crescere, sanxere ne ulla patricii sanguinis mulier, aut puella in publicum veste serica induta prodiret, nisi nuptiarum die, & quibus nuptiis, convivii-ve solennibus adesse moris est: quum alioqui multæ etiam humili loco natæ cum reginis pompa certare possent. Statuere præterea, ne aureum, gemmisve ornatum torquem, monileve, aut cingulum una ferret, gemmasve in annulis gestaret. alterum enim horum tantum eligere necesse est, aliis carere. Creati ad hanc rem magistratus, eas cogunt multando legis observare præscriptum. Non dico quam ista lex sit nobis necessaria, quum illis qui prædia tam sua, quam aliena, domos, dignitates, & quicquid undique per fas, aut nefas corradere possunt, in humeros, &

orna-

ornamentum uxorum, & adolescentularum exponere vano more coguntur, sit satis persuasum. Unum id adseverare constanter non dubito, frustra leges condi, & instaurari, nisi funditus evulsa peccandi origine: quæ quanta in his præcipue sit, qui in foro sunt, atque versantur tantum non ad ossa, medullasque exesi miseri litigatores docent: viri boni qui hæc ex usu perferre coguntur, desunt. nec enim videre possunt quid tantopere profit uxori gratissimæ marito ille ornatus, nisi ut amatoribus placeat magis. pudicis enim, & probis nil præter molestias adferre potest. Athenæus sexto Dipnosophistarum libro *ἰοναὶ κενόμων* officium latius patuisse scribit, ubi de parasito ait. Narrabat *χαίρεφῶν* aliquando parasitum non vocatum venisse ad conviviū, quumque rerumberet in ultimo mensæ

O s loco

loco, ipſis gynæconomis (quos ſympoſiarchas alio verbo Græco Latinis magis uſitato dicere hic poſſum) numerantibus, ut moris erat, convivas invitatos, illum paraſitum, ut qui numerum excederet tricenarium præfinitum, diſcedere iubentibus, Numerate, inquit ſecundo, à me incipientes. Quod vero mos eſſet gynæconomos convivia inſpicere, invocatorumque numerum diſquirere, ſi legis ſervaretur præſcripto, Timocles in *φιλοδικάση* ita ſcriptum reliquit. Reſerate, ait, portas, ut in luce ſimus conſpicui magis: ut pertransiens ſi volet gynæconomus, numerum capiat convivarum, ſecundum ſcilicet legem novam: quod fieri eſt ſolitum. ſtatimque ſubdit: Philochorus in ſeptimo Attidos ait, Gynæconomi cum Ariopagitis congreſſus hominum in ſingulis domibus obſervabant, atque in nuptiis,

ptiis, & sacrificiis: quoniam illic solebant dapibus affatim uti, atque adeo tantum non obrui. Hæc Athenæus. Non convenit in convivarum numero cum Platone. Is enim in nuptiis ultra decem convivas esse non vult, quinque viros scilicet, & totidem fœminas. Verum ille rem gestam, hic imaginariam, qualis est tota illius Respub. scribit. quapropter & magistratus illos quos Politia exponit nolui attingere, ne quis ignorantia, aut negligentia id à me factum credat.

CAP. XXXIII.

Περὶ ὀνόπτων, quos bibendi arbitros dicere possumus.

QUOS cæteri authores ὀνόπτες dixere, id est, vini observatores, illos Plato in effictæ suæ Reipub. libris *μνάμους* vocavit,